



UPRAVA POLICIJE

Broj: 05-04/06-11-454/23/RS  
Datum: 06.06.2023. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama BiH („Sl. glasnik BiH“, broj: 39/14 i 59/22), Preporuke o izboru najpovoljnijeg ponuđača Komisije za javne nabavke Uprave policije MUP USK-a broj: 05-04/01-1-11-454/23 od 02.06.2023. godine, a na osnovu člana 26. i člana 27. stav (3) Zakona o unutrašnjim poslovima Unsko-sanskog kantona (“Službeni glasnik USK - a”, broj 13/16 i 16/17), u postupku javne nabavke roba – prikolice za šlepanje vozila za potrebe Uprave policije MUP USK-a, načelnik Sektora kriminalističke policije Uprave policije MUP USK-a **d o n o s i** :

**ODLUKU**  
**o izboru najpovoljnijeg ponuđača**

Član 1.

Prihvata se Preporuka Komisije za javne nabavke broj: 05-04/01-1-11-454/23 od 02.06.2023. godine i ugovor za javnu nabavku roba – 1 (jedne) prikolice za šlepanje vozila za potrebe Uprave policije MUP USK-a dodjeljuje se ponuđaču „**METAGO**“ **D.O.O. BANJA LUKA** za ponuđenu ukupnu cijenu u iznosu od **8.205,13 KM** (slovima: osamhiljadvijestotinepet i 13/100 KM) bez uračunatog PDV-a, na osnovu kriterija za dodjelu ugovora „najniža cijena“.

Član 2.

Izabrani ponuđač je dužan da u roku od 7 (sedam) dana od dana prijema ove odluke dostavi originale ili ovjerene kopije dokumenata iz člana 45. Zakona o javnim nabavkama. Ova obaveza se ne odnosi na ponuđače koji su ovjerene/originalne dokumente iz člana 45. ZJN dostavili uz ponudu.

Član 3.

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima (uslovima) ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 4.

Za izvršenje ove odluke zadužuje se i ovlašćuje Sektor za materijalno-finansijske poslove i informacijsko – komunikacijske tehnologije, Odsjek za materijalno opremanje i komercijalne poslove Uprave policije MUP USK-a.

Član 5.

Ova odluka će biti objavljena na web-stranici ugovornog organa [www.mupusk.gov.ba](http://www.mupusk.gov.ba) uz istovremeno upućivanje ponuđačima koji su učestvovali u postupku javne nabavke, i to elektronskim sredstvom (mailom), shodno članu 70. stav (6) Zakona o javnim nabavkama.

**O b r a z l o ž e n j e**

Postupak javne nabavke pokrenut je odlukom o pokretanju postupka javne nabavke broj: 05-04/06-11-454/23/RS od 12.05.2023. godine.

Javna nabavka je provedena primjenom konkurentskog zahtjeva za dostavljanje ponuda. Kriterij za dodjelu ugovora je najniža cijena.

Procijenjena vrijednost javne nabavke iznosi 8.500,00 KM (slovima: osamhiljadpetsto i 00/100 KM) bez PDV-a.

Obavještenje o nabavci broj: 20936-7-1-25-3-30/23 objavljeno je dana 17.05.2023. godine na Portalu javnih nabavki.

Krajnji rok za prijem ponuda bio je 02.06.2023. godine do 09:00 sati.

Komisija za javne nabavke Uprave policije MUP USK-a imenovana je Rješenjem broj: 05-04/04-2-11-1422/22 od 08.11.2022. godine.

Komisija za javne nabavke dostavila je Zapisnik o otvaranju ponuda broj: 05-04/01-1-11-454/23 od 02.06.2023. godine i Zapisnik o ocjeni ponuda broj: 05-04/01-1-11-454/23 od 02.06.2023. godine sa Preporukom o izboru najpovoljnijeg ponuđača broj: 05-04/01-1-11-454/23 od 02.06.2023. godine, u postupku javne nabavke predmetne robe.

U postupku po Zapisniku o pregledu i ocjeni ponuda je utvrđeno da je Komisija za nabavke blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena 1 (jedna) ponuda;
- da je ponuda blagovremeno primljena;
- da nije bilo neblagovremeno primljenih ponuda;
- da je ponuda ponuđača: „METAGO“ D.O.O. BANJA LUKA prihvatljiva

Dalji postupak Komisija je provela na način da je:

- obavljena je provjera kvalifikacija ponuđača, prema uslovima i kriterijima utvrđenim u tenderskoj dokumentaciji,
- date su preporuke Ugovornom organu za dalje postupanje u ovom predmetu.

Uvidom u dostavljenu ponudu i dokumentaciju ponuđača „METAGO“ D.O.O. BANJA LUKA, Komisija je utvrdila i konstatovala da ovaj ponuđač ispunjava sve postavljene uslove u tenderskoj dokumentaciji.

E-aukcija nije zakazana iz razloga što je ponudu u ovom postupku dostavio samo jedan ponuđač.

Podaci o ponuđaču čija je ponuda ocijenjena kao najpovoljnija:

<b>PODACI O NAJPOVOLJNIJEM PONUĐAČU</b>	
Naziv ponuđača	„METAGO“ D.O.O. BANJA LUKA
Sjedište i adresa	Subotička bb, 78000 Banja Luka
Ukupna cijena ponude bez PDV-a	8.205,13 KM
Ukupna cijena ponude sa PDV-om:	9.600,00 KM

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu ponude, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav (1) tačka b), člana 87. i člana 88., člana 70. stavovi (1), (3) i (6) Zakona o javnim nabavkama Bosne i Hercegovine (“Sl. glasnik BiH”, broj: 39/14 i 59/22), člana 26. i člana 27. stav (3) Zakona o unutrašnjim poslovima Unsko-sanskog kantona (“Službeni glasnik USK-a”, broj: 13/16 i 16/17), te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a”, broj: 09/23) odlučeno je kao u dispozitivu ove odluke.



POUKA O PRAVNOM LIJEKU

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi BiH putem Ugovornog organa u pisanoj formi, direktno, elektronskim putem ili preporučenom poštanskom pošiljkom na adresu Ugovornog organa.

Dostavljeno:

1. Ponuđaču: „METAGO“ D.O.O. BANJA LUKA, putem e-maila: [tihana@metago.info](mailto:tihana@metago.info)
2. Sektor za mat.-fin. poslove i IKT - za objavu
3. a/a

NAČELNIK SEKTORA  
KRIMINALISTIČKE POLICIJE  
samostalni inspektor



